

Außzug -

Neuwer zeitungen / Auß
der Röm. Kai. Mai. Feld
leger / inn Hungern / 3wo
meil vnder Rab / von dem
XXX. Augusti:

1566.



Getruckt zu Augspurg - Durch
Hans Zimmerman.

Auſzug-

Neuer zeptungen-Auß der Röm. Kai.

May. Feldleger/ Inn Hungern/ zwo meil
vnder Rab/ von dem 30. Auguſti.

Gleich wie ich diſen Brieff Beſchlieſſenn
wollen/ So kumt der Röm. Kai. Mai. ein Courier
von Herr Lazaro von Schwendi auß Zips / Der
bringt/ Das ſich die drey Beg/ Chriſte zu Zalnock/
Kallneckh/ vnd Tetschin/ etlich tauſent ſtarck/ nie
weit von Kallneckh/ geſamlet haben/ vnnnd des vor-
habens geweſen ſein ſollenn/ ain Gewaltig einfall
züchün/ vnd ſich vmb etliche Beueſtigung anzü-
nemen/ Alſs aber Herr Lazarus/ ſolliches/ durch ſei-
ne gewiſe gütce Kunndſchafft er gewar worden /
Iſt er mit 2000. Teuſcher Pferden/ 3000. Huſ-
ſarn/ vnd 1000. Haggenſchutzen/ Dem Feind bey
Tag vñ Nacht zugezogen/ obgemelte drey Waſcha
mit irem Türkiſchen Kriegsvolck/ vnuerſehens
vberfallen/ vnd mit ernſt inn Sie geſetzt/ vnd mit
Gottes gnade vnnnd hilff/ Sie auß das Haupt er-
legt/ vnd das gang Feldt behalten/ Das Beſchütz
A z vnd

vnd sonderlich ein reiche Deut/ vnnn Gewaltigen
schönen Rossen/ vnd grossen güc erobert.

Vnnnd seind inn sollicher Niederlag/ 2500. güe-
erer Wolgerüster/ vnd der besten Türggen beliben
so inn Vngern seind/ Darvnder der Obrist Beg
von Zolnock tod gefundē/ der Obrist von Tetschin
gefangen/ vnnnd der Beg von Killneckh/ derma-
ssen hart Verwundt worden / Das seines lebens
auch nit mer zu verhoffen/ Darauff hatt der herr
von Schwendi / vier Türggische Schlöffer einge-
nommen / vnnnd was sich darinnen ergeben / frey
ziehen / Die anndern aber/ so sich gewere/ nider-
schlagen lassen / Dem Allmechtigen Gott sey Lob
vnd danck/ vnd geb verner gnad.

Der Obrist zu Gula/ der Herr Ceretschin/ hatt
abermals ain gewaltigen Außfall / vnnnder die
Türcken gethon/ vnd mit Gottes gnad vnd Sig-
haffter handt/ biß inn 3000. Vnd darvnder zwen
Beg/ etlich sagen den Wascha von Termeschwar
erschlagen haben/ Vnd wie alle Kundtschafft laute-
ten / sollen die Türggen/ wider zu ruckh gezogen
sein/ vnd die Belegung verlassen haben.

Der

Der Ritterlich Hôld/Grâff von Serin/ hat zu
Zigech/ biß inn Zwölff Gewaltiger Sturm/vonn
dem Türggen/so jetz mer alle vier Wochen aigner
Person Daruo: ligt/mie Socces hilff vberstandē/
vnd sich sampt seinem Eerlichen/vnnd Redlichen
Kriegsvolck/dermassen Ritterlichen gewert/ Das
weit ob 10000. Türcken/vnnd darunder der Groß
Basha Rebler Beg auß Notalia tod beliben/Vñ
die weil der todeen vil/vnd die hiez groß/So soll wie
man schreibt/ain sollicher gestanc der enden sein/
Das der Türggisch Kaiser/Aigner Person / vier-
meil zu ruckh gewichen sein/ aber biß inn 60000.
Man vor Zigech gelassen haben soll/ die Tag vnnd
Nacht vnaußhörlich arbeiten/vnnd dem Christli-
chen Kriegsvolck kain rüe lassen / Sonder demsel-
ben auff das höchst zusetzen / Der Ewig Gott stee
seiner Christenheit gnediglichen bey.

Erzhertzog Carl/ ligt mie ainem starcken hauf-
fen auff der Brenitzo/nur Sechs meil vom Zigech
vnd laufft auff den Bolz.

Die Röm. Kai. May.haben bißher/ auff mehr
hilff gewart/Die Socce lob sich teglich mehr/vnnd

ist das Geschrey im Leger/das sein May. vnange-
 sehen / das der Hantle Beg Wascha/ob 100000.
 starck/ nie weit von dem Kaiserlichen vnd Christ-
 lichen Leger ligt/ Vorgen das hinab mit dem gan-
 gen hauffen zu verrucken/ Man kan aber nie wis-
 sen / Wo sein Maestad den Kopff hinrecken will/
 Der Ewig Gott sterck vnd geb gnad/allenthalben
 Wo es der Armen Christenheit halben noch ist/
 A M E N.

